

眇未叨守丕基上不能仰答天譴下不能俯循公論以致災異  
不絕是誰之過實予所召反躬自責而已舉動雖似頻數此皆  
不得已也位稅雖似牢拒是為其來已久也假曰非此輩亦得  
以守護之到今日固不可不給故予意盡釋於經席之上矣大  
抵從諫雖義可否亦不宜無也豈徒言言而聽之哉當留念焉  
史臣曰前此上之答疏劄也每曰當留念焉足以激臣子  
之忠也然嚴憚之意尚存乎言外此士之缺望而不得盡言  
者也凡為臣子者抗直不畏觸犯雷霆者鮮矣况從諫之際  
有未盡於期望之心乎

○上御夜對○以金德龍為折衝將軍麟山鎮僉節制使李銘  
為司憲府掌令金弘度為清州牧使○夜坤方異方如火氣

辛酉日微暈

壬戌日微暈兩珥

癸亥上視朝膳于文昭殿○上台對○傳曰刑曹典獄摘  
奸單子見之刑曹官負不仕以今日視膳不仕乎有故不仕乎